

TUSIGAIGOA 101

E tai 10 tausaga ma faia e le malo (USA) le tusigaigoa e faitauina ai tagata uma o loo afiofia ma alala i totonu o le Unaitē Setete o Amerika. O le tusigaigoa o ni fesili pupuu ma le faigofie e uiga ia te oe ma lou aiga. E malu puipua lelei au tali e le faaalā i se tasi.

O le tusigaigoa e soso'o ai e amatāina ia Mati 2020.

O le faitauina i le tusigaigoa e fesoasoani ia te oe ma lou aiga.

- E fa'aaogaina fa'amatalaga e maua mai le tusigaigoa e vaevaeina ai le \$1.5 tiriliona o fa'aputugatupe a le malo mo galuega taua, pei o aoga, food stamps, nofoaga mo aiga, ma le tausiga o le soifua maloloina.
- E mafai ona faailoaina i faamatalaga e maua mai le tusigaigoa o tatou afioaga ma fesoasoani e faalauiloaina ai o tatou lanoga ma manatu.

E le fa'aalia i se tasi au tali mai i le tusigaigoa.

E le fa'atagaina le Ofisa o Tusigaigoa e fa'asoaina au fa'amatalaga totino i nisi ofisa o le malo, ofisa femalagaaiga, poo tagata lautele. E puipua le fa'asoaina o au tali e tulafono malolosi! O au tali mai i le tusigaigoa e faaaogaina lava mo sailiiliga o faamaumauga.

E vave ma faigofie le tali i le tusigaigoa.

- E mafai ona e tali i luga o le initaneti. E meliina atu e le Ofisa o Tusigaigoa fa'atonuga uma e manaomia ia Mati 2020. Silasila i le website o le tusigaigoa, fa'atumu le ID tutasi mo lou aiga, ona tali lea o fesili.
- E mafai ona faaaogaina le telefoni e tali ai fesili o le tusigaigoa. Pe fai ai foi se fesili o e fia malamalama ai e uiga i le tusigaigoa. Na ona e valaa lava i le Ofisa o Tusigaigoa.
- Afai e te le faaaogaina le initaneti poo le telefoni e tali ai fesili o le tusigaigoa, o le a meliina atu e le Ofisa o Tusigaigoa le lisi o fesili i lou maota (address).

Afai e te le vave tali mai i le tusigaigoa fesili, e amata ia Me 2020 e mafai ona asiasi atu se tagata faigaluega mai le ofisa o tusigaigoa i lou aiga ma fesiligia oe mo fa'amatalaga. Ae mafai lava ona e tali i luga o le initaneti po'o le telefoni sei o'o atu ia Luni 2020. Tali vave e taofia ai le asiasi atu o se tagata faigaluega i lou aiga.

Manatua – A e le auai, o le a le lagona lou leo!

www.countusin2020.org/NHPI

